

այլևայլ խօսին, ինքն ևս քարոզէ, և թերևս ի մօտերս ի լուսաւորիչ զայ. և առ մեզ ոչ զբարի և ոչ զչար լսեմք ի նմանէ: Յետ սորա գիտելի է զի ի 13 դեկտեմբերի, թագաւոր քաղաքիս<sup>1</sup> մեռաւ, և ի նոյն օր եղբայր սորին Օսման<sup>2</sup>, ի տեղի նորին կացուցաւ խաղաղութեամբ և յետ վեցից ւաւուրց մեծահանդէս և փառաւոր հանդիսացուցումն թրակապութեան նորին եղև: Եւ ի միւսում աւուր ել հրակիզութիւն. մահմուտ չարսուն և բազումք տունք այրեցան. տասն և վեց ժամ տեւաց հրակիզութիւնն. և գինեվաճառաց պանդոկք և կրպակք մինչև ցայժմ փակեալ կան: (Հ. Միքայէլ առ Մեղգունեան, 1755 յունվ. 1. [Պոլիս]):

ձճբ.

Մինասայ Արհի եպիսկոպոսին Գերապայծառ Վարդապետին մերոյ, որ և ետ յանցեալ ամառան յօրինել ստուգայիւ, և գեղեցիկ պատկերօք զառաստաղ զրգատան, խոստանալով կատարել և զայլն ամենայն, բարւոք առնէք զրել երբեմն զգիր առանձին ի մխիթարութիւն նորա: (Մեղգունեան առ Հ. Իգնատիոս, 1755 փետր. 18. [Ս. Ղազար]):

ձճգ.

Նոր թագաւորն զվէզիրն վերոյց<sup>3</sup>, որ զայնքան դղրդմունս եհան վասն զգեզտուց և ձևոց, որ կարծիր գոլ ի թագաւորէն, բայց ոչ էր այնպէս, այլ ի վէզիրէն, վասն այսմ ուրախացան ժողովուրդք: (Հ. Միքայէլ առ Մեղգունեան, 1755 փետր. 21. [Պոլիս]):

ձճդ.

Վասն ցրտութեան եղելոյ աստ ի վէնէտիկ ծանիր, զի մնտրայու մինչև ի վէնէտիկ եկին գալելով մարդիք ի վերայ ծովուն սառուցելոյ. և ոչ այս միայն այլև սայլիւ բերէին զբեռինս ի վերայ ծովուն իբր ի վերայ ցամաքի: Այլ և ի բազում տեղիս վասն անցից, զառջինալեօթսն<sup>4</sup> բերէին և բեկանէին զսառն, զի կարասցէ անցանել նաւ, նաև բազում չափիք սառեցան ի ցրտոյ: (Մեղգունեան առ Հ. Զարարիա, 1755 ապրիլի 12. [Ս. Ղազար]):

ձճե.

Ի մէջ ուսմազանին մնացեալ չորս օր պայրամին բացեալ էին զխորագոյն կէրիզն չարսըին առաջի խալփախճոց. և յանցանելն ընդ այն շէրիէթճին, այսինքն դատաւորն մահմուտ փաշային ձիով, ասացեալ են նմա հայք ոմանք. էֆէնտի մի անցաներ, զի ոչ կարես և նեղ է անցքն. և ի ոչ լսելն նորա և յանցանելն և ի խրտնուլն ձիոյն, նախ ինքն, և ապա ձին զկնի նորա անկան ի մէջ աղտեղութեան աղբին. և թաղեալն յաղբն սատակեցաւ, և ձին զերծաւ. և այսպէս մուսպարէք օրեր նոցա աղբոսեցան, ասեն, թէ ի նմին աւուր զանիրաւ դատ ինչ արարեալ է, և վասն այն պատուհասեցաւ ի տեսնէ:... Ի յուլիսի 10 յաւուր պայրամին եղև եանդըն մեծ յտամպօլ իբրև ժամս ժգ, սկսեալ ի խատիլիմանէն և վերջացեալ ընդ զառի վեր լերինն մինչև յետկոյս սէտէֆճոց և այրեցան տունք հարիւրաւորք բնաւքն ի տաճկաց: (Հ. Զարարիա առ Մեղգունեան, 1755 Յուլիսի 14. [Պոլիս]):

1. Մուստաֆա Գ.:

2. Օսման Գ.:

3. Այսինքն Օսման Գ. մէջտեղէն վերցուց զԱւի փաշան:

4. Arsenalotto = Գործաւոր կամ զինուոր նաւարանի.